

238 470
ВЫДАВНИЦТВО ТОВАРИСТВА „ПРОСВѢТА“ В УЖГОРОДЪ.

Лит. наук. оддѣл ч. 1.

О ПИСЬМЕННОМ ЯЗЫЦѢ
ПОДКАРПАТСКИХ РУСИНОВ.

НАПИСАВ:
АВГ. ВОЛОШИН.




PG
3807
V6
1921
с. 1
РОВА

УЖГОРОД

ПЕЧАТАНО БУКВАМИ АКЦ. ТОВАРИСТВА „УНІО“

1921.




ВЫДАВНИЦТВО ТОВАРИСТВА „ПРОСВѢТА“ В УЖГОРОДЪ.

Лит. наук. оддѣл ч. 1.

О ПИСЬМЕННОМ ЯЗЫЦѢ ПОДКАРПАТСКИХ РУСИНОВ.


НАПИСАВ:
АВГ. ВОЛОШИН.



УЖГОРОД

ПЕЧАТАНО БУКВАМИ АКЦ. ТОВАРИСТВА „УНІО“

1921.



LIBRARY

DEC 11 1992

UNIVERSITY OF TORONTO

О ПИСЬМЕННОМ ЯЗЫЦѢ ПОДКАРПАТСКИХ РУСИНОВ.

I.

О языковых спорах загално.

Каждый щирый друг народа нашего задачу интеллигенціи нашой в сих историчных роках начала свободнѣйшоѣ народноѣ жизни представляв собѣ так, что отложивши всякѣ вопросы, вызываючѣ споры, буде лишь працювати, буде ширити просвѣту, буде организовати народ экономично и просвѣтно и обома сими подносити народну и политичну самосвѣдомость.

Вмѣсто того, что видиме? Якась неприятельска сила розбила народ наш религійно, вызвала классовѣ и партійнѣ борьбы и недовѣріе к интеллигенціи, сія же изовеѣм утратила здорову оріентацію своеѣ народноѣ политики.

Особливо остро выступаютъ стороны в языковых спорах, котрѣ найлѣпше забаламутили умы и сердца наших людей и сіи споры суть головнѣйшими перепонами об'єдиненя всеѣх сил к одушевленной просвѣтной, экономичной и политичной працѣ.

Перед войною, або ще и непосредно перед революціею у нас не было языковых споров; писателѣ наши постепенно сближались к народному языку, желаючи сохраняти руську букву, руськое слово и ширити науку. И в первых мѣсяцях житя авт. Подк. Руси, коли в першой Ц. Р. Нар. Радѣ с нами в'єдно робили Бескид и Гагатко, все мы единодушно держались принципа, что язык наш малоруській и что мы хотяй еще не приняли фонетичну правопись закарпатских русинов, и пишем етимологично, однако не можеме народ просвѣщати чужим ему великоруським

языком. Се и выразно рѣшено было Ц. Р. Н. Радою, коли в дѣлѣ урегулированя почтовоѣ администраціи установлено точки требованій от министерства почт. Тогда яено было высказано, что урядовый язык наш повинен быти малоруській с этимологичным правописом.

Тогда еще мы не спознавали тоту страшну ненависть, котра розвилася в Галичинѣ из языковых споров и котра mezi москвофилами и украинофилами довела до страшных междуособиць.

Залѣзло до нас нѣсколько фанатиков-яничаров царславноѣ и большевистскоѣ Россіи, котрѣ сейчас и начали свою опасну, братоубійственну роботу. Простый народ розбивали найнизшою демагогією, сѣм-там перевели легковѣрующих селян на „кривославіе“, интеллигенцію же нашу роздвоили языковым вопросом. Можно казати, что церкви русько-католицькоѣ, народной просвѣтѣ, экономичной и политической организаціи народа нашего, найбільше шкодили сесѣ фанатики путем языкового роздѣленя сил интеллигенціи нашоѣ и нагнали воду лишь на млин мадяронства або повного ровнодушія.

Правда, что теперь вже народ сильно ненавидить москвофилов, однако им удалося довести до того, что противники фонетичного письма закарпатского руського языка, в'едно с ворогами свободы нашоѣ, громко кричатъ и против народовцев, прозываючи их „вікраїнцями“ и сим роздвоенем путають всяку хосенну, культурну и экономичну роботу нашу.

Каждый, роздумуючій русин скоро порозумѣе, что сеся междуособна борьба лишь тым ся любить, котрѣ не желаютъ, чтобы русин був ученый, богатый и чтобы жив собѣ мирно, честно.

Но кто спознае исторію розвитку нисьменного малоруського языка, тому яено, что сесѣ успѣх москвофилов-фанатиков мог ся стати лишь из причины *глубокоѣ неоріентаціи* нашоѣ публики в сем-то вопросѣ.

Явным доказом е того и недавно появившася брошура п. Игоря Гусьняя, котрый смѣв выписати такѣ небылицѣ: „Литературный язык Пушкина, Гоголя, Тургенева был и литературным языком карпатороссов“, что „великороссе пишет по нашому“, что „великороссы приняли наш малоруській литературный язык“. Як на авторитет отзывается

лишь на бабушку Брешковску, а роздвоенъе руського лит. языка приписуе Бисмарку (!) с „помочью уніятекого епископа Шептицкого во Львовѣ“. (Увидиме ниже, что скаже на сѣ колоссальнѣ глупости исторія и петерб. Акад. Наук)

Словом, п. Гусьняй кладе початок малоруського лит. языка к 1848. р., он на 32 сторонах богато розписався, о всѣх и за вся, о Барвинском, Смаль-Стодком, Триловском, за Винниченка и Алиськевича, за Нечаса, Гоголя; наемѣшкуются о полонизмах галицкого и мадяризмах нашего языка но ани едным аргументом не поддержкуе (и не може) свое великорусское становиско.

Он ставить вопрос (13 ст.): „зрѣлы-ли мы къ разрѣшенію этого вопроса или нѣтъ“ и брошура его громко одповѣдае, что он не зрѣлый к тому.

Мы сильно вѣруеме, что публика наша сейчас перестане спорити о языкѣ и правописи, если упознае исторію и наукову правду сего вопроса, котрый мае вже свою богатую литературу.

Не треба нам великоруського языка — кажутъ наши люде, бо то не наш, то тяжкій для нас, изовсѣм инѣшак выповѣдаея як наш и пр., но додають дораз и то, что им не отповѣдае ани так званный украинскій литературный язык, бо пише фонетикою и приняв много чужих, особливо польских слов.

Где туй глядати правду?

А еднако правду мож найти и не тяжко найти. Лишь научно треба розбирати дѣло, треба знати розлучати язык од политики, язык од правописи, язык народный от языка искусственного, язык загалный от языка по едных писателей.

В интересѣ правды и успокоеня умов хочеме сей зачатѣ послужити.

Головна цѣль наша: *указати на правду* и с помочью еѣ направити всѣ наши умственнѣ силы к общой, хосенной народопросвѣтной работѣ.

Если лиш то удасться нам, что наша интеллигенція заинтересуется сим вопросом, вже и тогда скажеме, что не робили'сме задарь.

Чи правда, что малоруській и великорусскій язык — то един язык ?

Прихильники одного общерусского литературного языка отзываются на то, что об'единеніе русских народов придало бы им необычайно силы, политично, экономично и культурно, что богата великорусска литература была бы общим скарбом вѣх руських племен.

Як нѣмцѣ-баварцѣ и вѣденцѣ, пруссаки так як австріяки мають один общій нѣмецкій литературный язык, так могли бы и русскѣ народы мати свой общерусскій литературный язык.

Все-то, указуеся дуже добрым и обманючим.

И тому бы радовався каждый вѣрный славянин, особливо же малоросс, если бы славянскѣ народы выбрали собѣ великорусскій язык за общеславянскій (яким був колись старославянскій), если бы во вѣх славянских краях великорусскій язык був обязательным предметом науки вышних класс середних школ, если бы велико русска литература была розширена по вѣм славянским землям.

Но як из квадрата не мож зробити круга, так таких народов, котрых роздвоила исторія, найтяжше в едно сковати правѣ на поприцѣ языка. Можно их об'единити господарскими або политичными интересами, но окреме розвившѣся языки наново об'единити не мож. Се противитья природной розчленуючости языков.

На се замѣтив Ягич*): Dann wird sich die Überzeugung Bahn brechen, dass neben der russischen Sprache, die immer mehr den Charakter einer Weltsprache und Weltliteratur annimmt, auch eine kleinrussische oder ruthenische Literatur ebensogut bestehen kann, wie neben der deutschen Weltsprache das Vlämische oder Niederländische und Holländische, weiter das Dänische, Norwegische und Schwedische ungestört leben und literarisch gepflegt werden“. То есть Ягич, хотя уважав за несчастья славянских народов, что каждый славянскій народ создал собѣ окремый язык и литературу, однако узнае природным, чтобы коло великорусского и 30-милліонный малоруській народ мав свой язык так само, як коло нѣмецкого языка жють гер-

*) Die osteuropäischen Literaturen und die slavischen Sprachen. Kultur der Gegenwart Teil. I. Abt. IX. Leipzig 1908. ст. 19.

манскѣ языки: голландскій, данскій, норвежскій, шведскій и пр.

Если разбираеме причины вытвореня сих языков из общегерманского, то потолкуе нам лишь историчный розвой их.

Так повинны мы глядати историчнѣ причины и розвоеня малоруського и великоруського языков.

Прихильники великоруськоѣ оріентаціи борются вже и против имени русинов, против слова „ruthenus“. Так и п. Гусьнай каже, что слово „Ruthenus“ выдумав в Галичинѣ Стадіон и накинув галицьким Русинам в 1848 р. (ст. 8.), в Угорщинѣ же послѣ 1861., мадыаре по австрійскому методу бросають между интеллигенцію лозунг „ruthen-ского сепаратизма...“ Что се неправда, длясего укажемє лишь на грамматику Лучкая з 1830 р. (*Grammatica Slavo-Ruthena*), в котрой Лучкай одрожвяє *linguam polonicam, russicam, bohemicam—и ruthenicam*, та подає границѣ, где говорятъ *ruthenica lingua!*

Памятники ruthen-ства сягають аж до XI. вѣку, бо од XI вѣку называеся наш народ... ruthenus“. Называеся так в латинських хрониках. В XII. вѣдѣ называно и нашу Подк. Русь не инакше як „marchia Ruthenorum“, як се видимє з „*Vita Chunradi regis*“... „*nuntius ad regem (до угорьского короля) dirigitur, qui tunc in marchia Ruthenorum morabatur*“. В XV. и XVI. вѣдѣ вже добре одрѣжньовано назву „Ruthenus“ од „Moscovita“. А навѣть грамматики XVI. вѣку робили розлуку между языком нашим и москальским, як то видно хоть бы з найстаршого славянскоѣ грамматики Адама Богорича з 1584. р., в котрой он каже:

„*Arcticae horulae succesivae, de latino-carniolana, ad latinae linguae analogiam accomodata, unde moskoviticae, ruthenicae, polonicae, boemicae et croaticae cognatio facile deprehenditur. Praemittuntur his omnibus tabellae aliquot cyrillicam et glagoliticam et in his rutenicam et mosoviticam orthographiam continentes...*

Наши руськѣ князѣ называлися „duces Ruthenorum“, про что кождый може сам переконатися, заглянувши до исторіи.

Аж до часов Петра Великого, як то низше обширнѣше потолкуеме, язык малоруській свободно и окреме розвивався, но тогды в сею чисто наукову справу замѣшалася политика, котра в исторіи славянскоѣ филологіи, на жаль, брала значительну участь. Так на пр. сербскѣ филологи (Белич)

македонскѣ нарѣчія причислили к сербскому, а болгарскѣ (Милетич, Цонев) к болгарскому языку.

Так и централистична политика царславного абсолютизма попробовала задавити свободный розвиток малоруського языка, но филологія энергично обороняла наукову правду и наконецъ побѣдила.

Слависты не лишь славянских, но и неславянских народов богато заинтересовалися сим вопросом и розвили обширну литературу. Так: О. Брох (Slav. Phonetik, Heidelberg, 1911), описавшій діалект околищъ Ублѣ, Leskien (Gr. d. altbulg. Sprache, 1909), Ягич, маляр. Ашбот (Orosz nyelvten, 1888), Будде, Платонов, Шахматов и пр., нѣмецкій Hoetzsch (Russland, 1913). Из истинных ученых филологов наших (подк. руських) все держалися тоѣ думки, что наш язык — малоруській и что великоруській николи не може быти у нас литературным языком; так д-р Алекс. Бонкалов в брошурѣ: „Az orosz és irodalmi nyelv kérdéséhez“ и в книжѣ о діалектѣ околищъ Рахова обширно доказуе исторично и филологично самостоятельность малоруського языка; а д-р Гіадор Стрипскій так в „Читанцѣ“, (Мукачево 1919) а особливо в брошурѣ „Старша руська письменность на Угорщинѣ“ также ясно обороняе самостоятельность малоруського языка.

Особливо богато писали о сем дѣлѣ галицкѣ, украинскѣ и буковинскѣ писателѣ Смаль-Стоцкій, Верхратскій, Михальчук, Крымскій и пр.). Чтобы мы подали причины изовсѣм объективно, прото приведеме туй слова самоѣ петербургскоѣ императ. Академіи Наук, котра в обширном докладѣ „Объ отмѣнѣ стѣсненій малорусскаго печатнаго слова“, изданном в 1905. р. на вопрос, ци можеме говорити „объ языкѣ общерусскомъ“, отвѣтила так:

„Не подлежитъ сомнѣнію, что предки Великорусовъ и Малорусовъ говорили нѣкогда на одномъ языкѣ: этотъ языкъ, не дошедшій до насъ въ письменныхъ памятникахъ и возстановляемый предположительно, въ наукѣ принято называть языкомъ „обще-русскимъ“. Но, конечно, не его имѣють въ виду при противоположеніи малорусскаго „обще-русскому“. Еще въ эпоху доисторическую „обще-русскій“ языкъ представлялъ въ отдѣльныхъ частяхъ своихъ рѣзкія діалектическія отличія, дающія основанія допускать исконное дѣленіе Русскаго племени на три группы: сѣвернорусскую, среднерусскую и южнорусскую. Южнорусскіе памятники древней нащей письменности XI и XII вѣковъ, какъ впервые доказано нашимъ почтеннымъ сочленомъ академикомъ А. И. Соболевскимъ, представляютъ рядъ типическихъ особенностей малорусской рѣчи: изъ нихъ можно съ увѣренностью заключить о значительномъ удаленіи

южнорусскихъ (малорусскихъ) говоры какъ отъ среднерусскихъ, такъ и отъ сѣвернорусскихъ уже въ періодъ до-татарскій. Этому удаленію не могло помѣшать и то политическое объединеніе русскихъ племенъ, которое видимъ въ X и XI вѣкахъ: напротивъ, распаденіе русской земли на удѣлы, усиденіе новаго политическаго центра въ бассейнѣ Оки и верхняго течения Волги, паденіе Кіева во второй половинѣ XII столѣтія — все это въ значительной степени обособляетъ юго-западную Русь, а нашествіе Татаръ довершаетъ это обособленіе. Позже, въ предѣлахъ литовско-русскаго государства, южнорусскія племена находятъ условія для сближенія съ другими русскими племенами, а пменно съ той западной вѣтвью среднерусскихъ племенъ, которая легла въ основаніе белорусской народности. Восточная же вѣтвь среднеруссовъ, объединенная Москвою съ племенами сѣвернорусскими, входитъ вмѣстѣ съ послѣдними въ составъ великорусской народности. Только позднѣйшая колонизація XVII и XVIII вѣковъ сближаетъ великорусскія и малорусскія племена въ бассейнахъ Сейма, Донца и Дона. Такимъ образомъ историческія условія содѣйствовали полному разобщенію югозападной Россіи (Малороссіи) и области, занятой Великорусами: отсюда существенныя отличія въ языкѣ обѣихъ народностей—великорусской и малорусской. Историческая жизнь этихъ народностей не создала общаго для нихъ языка: она напротивъ, усугубила тѣ диалектическія отличія, съ которыми предки Малорусовъ, съ одной стороны, Великорусовъ — съ другой, выступаютъ въ началѣ нашей исторіи. И конечно, живой великорусскій языкъ, на которомъ говоритъ народъ въ Москвѣ, Рязани, Ярославѣ, Архангельскѣ, Новгородѣ, не можетъ быть названъ „общерусскимъ“, въ противоположность малорусскому языку Полтавы, Кіева или Львова“.

Такъ само одповѣли на сесь вопросъ правительства и филолог. факультеты университетовъ кіевского и харьковскаго, кромѣ того и губернаторы кіевскоѣ, подолюскоѣ и волынскоѣ губерній правительству одписали, что малороссы не розумѣють великорусскій языкъ.

На вопросъ, цѣ ли не „имѣются основанія признать общерусскимъ (русскій) литературный языкъ“, Академія отвѣчаетъ такъ:

„По неоднократно высказывавшемуся замѣчанію нѣкоторыхъ публицистовъ, Малорусы играли видную роль въ созданіи и въ выработкѣ нашего литературнаго языка. Для доказательства этого положенія признается достаточнымъ упомянуть о вліяніи малорусскихъ писателей и ученыхъ дѣятелей XVII и XVIII в.в. сначала на московскую образованность, а затѣмъ и на Петровскія реформы. Дѣйствительно, вліяніе это отразилось и на нашемъ литературномъ языкѣ, но оно было переходящимъ: усилія великихъ писателей нашихъ все болѣе сближали книжный языкъ съ на-

роднымъ, и ничто еще не остановило того направленія, которое уже въ концѣ XVIII и началѣ XIX вѣка сдѣлало нашъ литературный языкъ вполне великорусскимъ, освободивъ его, между прочимъ, отъ наноснаго малорусскаго произношенія“.

И так сама петрогр. Академія констатировала фактъ, что еще в эпоху доисторичну роздвоилися языково малороссы от великороссов, что исторична жизнь малороссов и великороссов „не создали общаго для нихъ языка“ и что не е научных „основаній“ назвати общерусскимъ теперѣшный „*сполннѣ великорусскій*“ русскій литературный языкъ.

Обширно говорить Академія Наукъ о свойствахъ малорусскаго языка и о безосновности насильственныхъ стѣсненій, выданныхъ правительствомъ противъ него, и наконецъ выповѣсть: „все вышеизложенное привело Академію Наукъ къ убѣжденію, что малорусское населеніе должно имѣть такое же право, какъ и великорусское, говорить публично и печатать на родномъ своемъ языкѣ“ (ст. 6.).

Сими словами найкомпетентнѣйшаго авторитета (а не бабушки Брешковской) одповѣли'смы пану Гусняю, на вопросъ, ди е окремый малорусскій языкъ, и что Акад. Наукъ не лишь *о нарѣчїяхъ* говорила, но о двохъ окремыхъ языкахъ

III.

Короткій переглядъ стѣсненій малорусскаго литературнаго языка в Россіи.

Сусѣдство малороссовъ с Греками и Болгарами потолкуе, что они скоро перебрали христіанство и греческо-болгарску культуру.

Тотъ староболгарскій, церковный языкъ и служивъ первою основою для письменнаго малорусскаго языка.

Петр. Академія Наукъ в спомянутомъ докладѣ каже, что изюго и западно-руськихъ элементовъ еще в XIV в. сложився „*канцелярскій языкъ Литовскаго Княжества.*“

Потомъ сесь малорусскій языкъ подпавъ вліянію польскаго языка, ибо „малорусская интеллигенція XVI. и XVII. в. состояла по большей части из членовъ казачьей старшины, получавшей воспитаніе полупольское.“ *)

* Об отгн. Стѣсн. Малор. Печати Слова. Ст. 7.

Сесь письменный малорускый язык во II. половинѣ XVII. в. быв занесен и на сѣвер малорусскими учеными богословами, переселившимися в Москву, где по словам Акад. Наук ихъ западничество нашло почву“.

„По этой причинѣ — пише „Акад. Наукъ“ „ради охраны правовѣрія и единства Восточной Правосл. Церкви при Петрѣ Великомъ было запрещено Св. Синодомъ печатать церк. книги несогласно с великороссійскими печатями“. (1721).

И так вже перва заборона малорусского слова выходила из религіино-политичныхъ цѣлей Петра Вел., для обороны державной вѣры Россіи, подчиненной власти царя.

Под сим часом став розвиватися вел. русскій язык и до конца XVIII. в. „совершенно вытѣснил уже вымиравшій славяно русскій“.

Еднако еще в XVIII. в. и малоруска народна литература красно розвивалася, особливо же малоруска народна пѣсня „пользовалася широкой распространенностью в Москвѣ и в Петербургѣ, якъ то видно изъ тогдашнихъ пѣсенниковъ“.

Богато литературныхъ памятниковъ мае малорускый язык из среди церковной литературы, и то толковѣ Евангелія, „казаня“, книги полемичного содержания, кромѣ того: историчнѣ записки, народнѣ казки, оповѣданя и пр.

Перва серіозна литературна работа на чисто малорусскомъ языкѣ явилася в 1798., коли издава *Энеида И. Котляревского* за котрою слѣдовали его комедіи „Наталка Полтавка“ и „Москаль чаровник“.

Петерб. Академія хвалить у Котляревского „глубокую симпатію к малорусской народности и к малорусскому языку“ и признае его „первым малорусским (украинским) народовцем и отцем малорусской литературы и не только беллетристичной а и научной“.

В 1819. р. выдано „Сборникъ“ Украинского Пѣсенного матеріала князя *Цертелева*, за ним слѣдовали сборники *Максимовича*, *Метлинского* и многих других.

Из писателей Акад. Наук *Квітку* называе „превосходнымъ разказчикомъ, соединившимъ въ себѣ характеристическія черты малорусскаго духа — юморъ и чувствительность“, а Петра *Артемьевского-Гудака* — автором „остроумныхъ стихотвореній“.

Из „Листка“ Квітки. подае Акад. Наук такѣ слова о малорусскомъ языкѣ: „Мы должны пристыдить и заставить умолкнуть людей, съ чуднымъ понятіемъ гласно проповѣдующихъ, что не должно на томъ языкѣ писать, на котомъ 10 миллионовъ говорятъ.“

который *имзеть* свою силу, свои красоты, неудобоизъяснимы на другомъ, свои обороты, юморъ, иронию и все какъ будто у порядочнаго языка“.

Квітка был родом из Харькова, *Артемовскій* профессором и ректором *Харьковского университета*, где „къ занятіямъ малорусскимъ языкомъ поощряли также *Срезневскій*, въ качествѣ профессора славянскихъ нарѣчій, *Метлинскій*, (руській *Uhland*) бывшій тогда адъюнктъ, потомъ профессоръ *Кіевского университета*, „страстный любитель всего малорусскаго и собиратель малорусскихъ пѣсень, и поэтъ и историкъ *Костомаровъ*“ под предсѣдательствомъ котораго в 1846 в Кіевѣ образовалось „*Кирилло-лелеводіевское братство*, которое об’единило всѣх „любителей малорусскаго слова“.

В тых часах р. 1840. в Петербургѣ появилась славнѣйша книжочка малоруськоѣ литературы и загално того вѣка „*Кобзар*“ Тараса Шевченка наибольшаго поэта русинов, руського „*Петевія*“. Тарас Шевченко был мужиком, котораго недавно выкупив писатель *Жуковскій* и художник *Брюлов*.

В слѣдующомъ року выйшов из друку наибольшій его эпичный твор: „*Гайдамаки*“, потом „*Сонъ*“, „*Кавказъ*“ и проч. Шевченко горячо писал о свободѣ, о будучей свободной Украинѣ, о равноправности и пр. За то арестовали его, и осудили на военску службу в полку осужденых. Къ суду царь *Николай* владноручно додавал еще, что на вѣки запрещено ему писати и мальовати.

Еднако Шевченко хотя тайно, но и в тюрьмѣ писал и зготовив краснѣ картины. В р. 1857. Царь *Александр II* освободил Шевченка из тюрьмы на просьбу графа *Толстога*, предсѣдателя Академіи Художеств. Но арестованія и строгость цензуры задавили всю свободну думку и спинили и розвиток малоруськоѣ литературы.

„Къ 60-омъ годамъ. — пише *Акад. Наук* — видимъ небывалое оживленіе в украинской литературѣ. Много книгъ разнообразнаго содержанія на малорусскомъ языкѣ стало появляться не только на Украинѣ, но и въ Москвѣ, Саратовѣ, особенно въ Петербургѣ“. Так в 1857. р. явились первѣ повѣсти „*Марка Вовчка*, драматичнѣ творы *Ващенко-Захарченка*, первый роман *Куліша* („*Чорна рада*“); в 1859 году явился, „*Малорусскій Литературный Сборникъ*“ *Д. Л. Мордовцева*“.

Од 1860. до 1863. издано дасколько дешевых книжок для просвѣщенія простаго народа: букварѣ (граматики), читанки,

космографіи, книжочки из науки природы и пр. В сих роках виходив и научно-літературный малоруській журнал „Основа“ под редакцію *Бьлозерского*.

Описуючи малоруську літературу тих роков Петр. Акад. Наук примѣтить: „Можно было ожидать полного разцвѣта малорусской письменности во всѣхъ родахъ, выработки единого малорусскаго літературнаго языка, омысленнаго первоначальнаго обученія малорусскаго простаго народа посредствомъ родной его рѣчи:“*)

Но в дѣло науки замѣшалася политика. Россія готовилася освободити простый народ, Польша же „мечтала объ освобожденіи изъ подъ русскаго ига“. И коли малоруська интеллигенція заклала школы и стала ширити просвѣту серед селянствомъ, „Поляки пустили въ ходъ обвиненіе сихъ школъ въ возбужденіи крестьянства къ мятежу:“**)

Кромѣ поляков малоруська письменность найшла еще и другого противника и то в жидах. „Редакція еврейской газеты „Сіонъ“ пише — Академія пустила „впервые обвиненіе украинцевъ въ сепаратизмѣ“. (14. стр.)

И хотяй малоруськѣ дѣятелѣ в министрѣ народнаго просвѣщенія *Головинъ* нашли „энергичнаго защитника“, котрый в журналѣ министерства дав напечатати статью *Лавровского* о самостоятельности малоруськаго языка, („Обзоръ замѣчательныхъ особенностей нарѣчія малорусскаго сравнительно съ великорусскимъ и другими славянскими“), однако его старанія розбивалися „о противодѣйствіе министра внутреннихъ дѣлъ *Валуева* и св. Синода съ первоприсутствующимъ митрополитомъ Исидоромъ во главѣ“ (14 ст.)

Тогда поступив „на благословеніе,“ малоруській перевод Евангелія, „тщательно, благоговѣйно и умѣло исполненный инспекторомъ Нѣжинскаго Лицея, Филиппомъ Семоновичемъ Морачевскимъ“. (15 ст.) И хотяй сей перевод був „горячо одобренный и рекомендованный Академіей Наукъ“, однако Св. Синод не дав своего благословенія на перевод Морачевского и 20. юнія 1863. р. министр внутр. дѣл заборонив „печатанія книгъ религіозныхъ и учебныхъ на малорусскомъ языкѣ“. (16. ст.) Задарь протестовали филологи и сам министр нар. просв. Головин, Валуев силою своихъ жандармовъ отвѣчав на науковѣ и культурнѣ аргументы.

„Но — по словамъ Академіи — стремленіе образованныхъ украинцевъ къ просвѣщенію своей меньшей братіи, любовь къ своему, уже испытавшему свои силы на разныхъ поприщахъ, наконецъ и естественная реакція противъ незаслуженнаго гоненія,

*) Объ огл. 12. ст. — **) Тамъже 13. ст.

почти отнявшаго у нихъ право на пользованіе родною рѣчью не только спасли ихъ отъ униженія, но и заставили подумать о средствахъ къ удовлетворенію своей законной потребности въ словесномъ общеніи съ непроевѣщенными земляками“ (16 ст.)

И такъ литературна робота малороссовъ перенеслася в Галичину, „къ великой пользѣ и гордости Австріи, но и къ не меньшему, если не еще большему вреду и униженію Россіи.“ (слова Акад. 16 ст.)

Само собою разумѣся, что тотая реакція Россійскоѣ полиціи противъ природного розвоія малоруськоѣ письменности, много пошкочила и самой сей письменности, ибо, як и Акад. Наукъ примѣтитъ, даровитыхъ людей о много больше должно быти на Украинѣ, як в Галичинѣ, и кромѣ того малоруссы Украины и матеріально богатшѣ, як Галичане. Велику утрату мавъ малорусьскій народъ Россіи и изъ того, что „сочиненія, написанныя въ Россіи и напечатанныя въ Львовѣ лишь рѣдко доходили до тѣхъ, кому они были предназначены и такимъ образомъ по большей части не достигали своей главной цѣли“ (17 ст.)

В 1876. р. в Петербурзѣ собралася комиссія изъ министровъ внутреннихъ дѣлъ и народнаго просвѣщенія; обер-прокурора Св. Синода, Шефа жандармов и М. Юзефовича, издавшего в 1863 р. брошюру о русско-польскомъ и русско-малоруськомъ вопросѣ.

На предложеніе сей комиссіи законъ 18/30 мая 1876 р. 1) запретивъ ввозъ всѣхъ малоруськихъ книгъ и брошюр, 2) дозволивъ по малоруськи печатати лишь а) историчнѣ документы и памятники, б) произведенія „изящной словесности“ — „но безъ отступленій отъ великорусскаго правописанія“, в) сценическѣ представленія и чтенія.

Сесь законъ не бывъ сейчасъ опубликованъ и россійска интеллигенція узнала о немъ лишь изъ Парижскихъ газетъ и изъ брошюры Драгоманова, представленноѣ Парижскому з'ѣзду литераторовъ.

Но, коли россійска внутр. политика и полиція преслѣдовала малорусьскій языкъ, объективна вед. русска наука стояла все противъ такихъ стѣсненій.

Такъ 8. декабря 1880 р. Петерб. Академія Наукъ выписала премію имени Костомарова за составленіе *малоруськаго словаря*.

Въ 1881. року на докладъ министра внутр. дѣлъ графа Игнатъева царь Александръ III. розказавъ пересмотрѣти правило 1876 р. И тогда позволено было: 1) печатати малоруськѣ словарь, 2) сценичнѣ выставки малоруськихъ пьесъ и пѣсень, печатати

малоруськѣ тексты при нотах. но опять запрещено устройство спеціально малоруського театра.

В 1894. р. обновили заборону ввоза малоруських книг из за границы, а в 1895. р. заборонили еще и малоруськѣ книги для дѣтского чтенія.

Но в концѣ XIX. и на початку XX. вѣка стала славянска филологія и этнографія займатися вопросом малоруського языка и народа и доказала, что так вокализм, як и морфологія и загально языкова природа малороссов ближе стоить к южно-славянским, як к сѣверо-славянским народам.

Обширнѣйше стали розберати вопрос сеї и великоруськѣ филологи особливо Платонов, Шахматов и Будде и так наконец в 1905. роцѣ, коли „Петербургска Академія Наукъ“ в обширном докладѣ, исторично и филологично доказала права и потреби самостойного малоруського языка, тогда зрушили стѣсненія против малоруської литературы.

Послѣ сего хотяї дуже короткого описанія исторіи переслѣдованія малоруського языка политичными властями царславного абсолютизма, звѣдаю, ци не смѣшна балаканина п. Гусняя, о Бисмаркѣ, о Шептицком, Стадіонѣ и пр.?

IV.

Квестія о сепаратизмѣ.

Против прихильников малоруського литерат. языка найчастѣйше выдвѣгаея обвиненье о сепаратизмѣ. Сим обвиняла первыйраз и шизматицка Церков малороссов, боячися од западничества (т. е. правды в вѣрѣ), потом польска шляхта и жида (боялися од просвѣты селянского народа), се твердила и царславна полиція, коли боронила писати, печатати и даже и говорити по малоруськи.

Як то вже Пет. Акад. Наук выговѣла, „сіе обвиненіе основано лишь на односторонномъ пониманіи исторіи малоруського народа и языка и на тенденціозномъ стремленіи ограничить права малоруськой народности *въ угоду неправильно понятыхъ интересовъ великоруськихъ и общеруськихъ*“.

Исторія бо доказуе и доклад Пет. Акад. Наук признае, что :

1. Укратиофильство с початку „носило характер демократическо освободительный, выразившійся въ боробѣ съ крѣпостнымъ

правомъ и опиралось на панславистическія основы, такъ якъ члены его мечтали о единеніи между славянскими племенами, среди которыхъ они требовали самостоятельнаго положенія и Малорусамъ“.
(10 ст.)

И сам Шевченко в письмѣ к Шафарыку проповѣдае потребу братского объединенія славянства „на почвѣ единства и любви“.

2. Первый отпор за часов Петра Вел. встрѣтив малоруській язык со стороны пизматицкоѣ церкви, „ради охраны правовѣрія и единства Восточной Православной Церкви“, и заборона выдана против западничества богословов малорусских, котрѣ свою христіанску культуру переносили аж в Москву. Их и обвиняли в „единоуми съ панюю и съ римскимъ коетедомъ“, (Акад. 7.)

3. Ненависть против малоруського языка питала реакція польских помѣщиков Украины против освобожденя малоруських крестьян, котрым их родна школа почала отворяти очи и обучати их людским правам. Сесѣ поляки и „пустили въ ходъ обвиненіе учителей этихъ школъ въ возбужденіи крестьянства къ мятежу“. (13. ст.)

4. Къ реакціи Св. Синода, полиціи и польских помѣщиков присоединилися и жидаы, котрым также не было въ интересѣ культурное поднесеніе малороссов и их газета „Сіонъ“ первыйраз обвиняла украинцов в сепаратизмѣ.

5. Заборонами оторвала власть малоруській язык од его природноѣ почвы, выгнала за границу, и сесим вызвала боротьбу против властей Россіи, вызвала самооборону малороссов за права их родноѣ рѣчи и подала возможность ворогам Россіи и славянства выкорыстати аянтагонизм двохъ наибольших славянских цародов.

Если тоже настав сепаратизм, тогда в том головным виновником е близорука реакційна политика цареславноѣ Россіи, и если хочеме, чтобы того сепаратизма не было, тогда мусить и перестати всякій гнет, всяка ненависть против малоруського слова и письма, ибо то закон природы, что чѣм лѣпше стѣсняеся воздух, тым сильнѣйше буде отвѣчати на стѣсняючу силу.

„Малорусская письменность — каже докладъ Пет. Акад. Наукъ (ст. 28.) — возникновеніемъ своимъ удовлетворила, очевидно, назрѣвшей потребности и въ созданіи ея всего менѣе принимала участія политическая интрига или нездоровая тенденція“.

И справедливо звѣдае Акад. Наук: „Можноли въ самомъ дѣлѣ ограничить область употребленія литературнаго языка тѣми или другими предѣлами?“

То самое звѣдаеме мы и от наших москвофилов, котрѣ хотѣли бы на силу спинити природный розвиток нашего родного языка.

С Акад. Наук отповѣдаеме им: „Нѣтъ. творческая мысль не можетъ быть остановлена искусственными преградами. За то всякія искусственныя преграды дадутъ ей всегда ложное тенденціозное направленіе: приведенные выше факты показали, какъ былъ загнанъ широкій и свободный потокъ малорусской творческой мысли въ узкія рамки политической партіи, образовавшейся въ Галиціи, но усиливающей свои ряды, оживляющей свою дѣятельность выходцами изъ нашей Украины, партіи могущественной и популярной именно потому, что одна она блюдетъ свободное развитіе малорусской письменной рѣчи“

Стѣснительнѣ законы пише дальше Академія (29. ст.) „разрушили ту братскую связь, которая завязывалась въ разныхъ сборникахъ и періодическихъ изданіяхъ между великорусскою и малорусскою письменностью. Они прекратили и братское между ними соревнованіе, разъединивъ ихъ окончательно и устранивъ ту общую почву, на которой естественнымъ образомъ опредѣлились бы взаимныя отношенія между обѣими письменностями. Мы видѣли, наконецъ, что эти законы содѣйствовали искусственному росту малорусской литературы въ Галиціи, ибо здѣсь, во Львовѣ и Черновцахъ, ей пришлось отвѣтить сразу всѣмъ многообразнымъ требованіямъ жизни: малорусскій языкъ сталъ языкомъ просвѣщенія и политики, науки и литературы. Правда, и здѣсь онъ встрѣтился съ великорусскою письменностью, поддержанною старою галицкою партіей, но вражда, смѣнившая прежде братство въ Россіи, перенеслась и сюда, и языкъ—въ началѣ, пожалуй, одинъ только языкъ—сталъ источникомъ непримиримой вражды между двумя половинами галицкой интеллигенціи. Нравственный ущербъ, нанесенный великорусской народности и ея письменности отколовшеюся или точнѣе отколотою отъ нея письменностью малорусскою, не вознаградится поддержкой, оказанной Россіей нѣкогорымъ періодическимъ изданіямъ Святоюрской партіи.“*)

И тепер зайды лемки перенесли сесю непримириму вражду и к нам. Но як на Украинѣ и в Галичинѣ побѣдив народный напрям, так и у нас естественно лишь народовцѣ могутъ выйти побѣдителями. Но если не засвѣтитъ солнце правды в умъ нашоѣ интеллигенціи и с помощью объективных выводов пет. акад. наук не ступить на дорогу здравого порозумѣня языкового спора, тогда

*) Святогорика партіи в Галичинѣ возникла в 60-ых роках минутого столѣтія В языковых справах была противна народному языкови а вели сесю партію каноники митрополитов церкви св. Юри у Львовѣ.

в сей то неминуемой побѣдѣ не лишь малоруській язык побѣдитъ но побѣдитъ и думка сепаратизма.

В Россіи упав царизм, упала нерозумна и погубоносна реакція. Из теперѣшпоѣ революціи побѣдоносною думкою мае выйти между прочим и братска солидарность великорусов и малорусов, мае побѣдити наука и правда.

У нас настала вже можливість свободного розвиваня нашего родного слова. Но не настала еще тога свѣтлость, тога достаточна исторична и филологична оріентація в вопросѣ языка, котра потребна к тому, чтобы сесѣ опаснѣ для культуры и для политичноѣ свободы интриги вже а limine были отверженѣ.

Ибо звѣдаеме : Кому хоснуе роздуваня огня ненависти и сепаратизма ? Никому, лишь ворогам нашоѣ свободы и лѣлшоѣ будучины. Ибо кто поддержиуе у нас напр. из чехов напрям великорущины ? Швегла, Клофач, Врейха. Значить : Централисты, котрѣ то говорятъ, что шкода было русинам дати автономію, або, як Швегла казав, мѣстна автономія русинов можеся толковати и так, что они могутъ собѣ выбирати старостов в селах.

На Словакин, словацкѣ патріоты также высказалися коло російщины и против нас, хотяй един новинарь „Ческого Слова“ (газеты Клофача) отверто казав, что русинов держитъ он такими сепаратистами супротив великороссов як словаков против чехов. Пан Шварц вѣроятно не знае, что русины о много дальше стоятъ од россіян, як словаки од чехов.

И комунисты, таѣ свѣдомѣ мадароны сѣтъ отверто против нашего народного языка, ибо им скорше было бы под руку, если бы наша интеллигенція и далше дурила русина через незрозумѣлу кацапску тарабарщину (бо великорусского языка они добрѣ не знаютъ.)

Но звѣдаеме : к можеме соединитися з дальшими русскими, если отрываемеся од ближших братов русинов ? Поправдѣ работа москвофилов-русинофобов е найгоршим сепаратизмом серед русинов и против россіян.

И як в Россіи, авторитет науки, Академія, защищала интересы правды и права языка малоруського, так и у нас чешскѣ филологи, чешскѣ слависты заступають права нашего родного слова ; на ихъ мнѣніе установлено в первых глубоко уважаемым правдолюбіем президента Масарика в Генеральном Статутѣ, что урядовом языком повинен быти наш мѣстный народный язык.

Вѣруеме, что с помощью чешских славистов удасться нам подняти у нас славянознавство и розогнати и хаос правописи.

Чи мож до малоруського языка примѣнити великорусску правопись?

Коли в 70-х роках минушого вѣка под примусом заграничноѣ критики и поступа филологіи пелитична власть Россіи принуждена была дати уступки, тогда в 1876. р. позволила печатати историчнѣ документы и „произведенія изящной словесности“, но сіи предписано печатати „безъ всякихъ отступленій отъ общепринятаго русскаго правописанія“. В 1880 року наново выдано, что „употребленіе церковнаго шрифта въ малороссійскихъ изданіяхъ представляется весьма желательнымъ“.

К сему правно додала Акад. Наук примѣтку, что „еслибы пѣсенка в родѣ „Ой Семене, Семене, чом не ходиши до мене?“ появилася отпечатанною буквами Св. Писанія и богослужебныхъ книгъ, такое противорѣчіе формы съ содержаніемъ неизбѣжно вызвало бы репрессию со стороны той-же цензуры“.

На основѣ выше помянутого закона о примусовой великорусской правописи не дозволено печатати наир. поэмѣ В. *Бьлого* „Марко проклятый“ (1. аур. 1878) лишь за то, что автор сѣм-там писав *i* вмѣсто *и*.

Тогда обширно обсуждали филологи вопрос о малорусскомъ правописаніи, и вже в 1877 рѣдѣ была „дозволена къ обращенію въ Россіи“ учебна книга „Руска читанка“ для вышпог гимназій“ Александра Барвиньского, выданна у Львовѣ.

Петербургска Академія Наукъ критикуючи указы 1876. и 1880. роков, рѣшительно протестуе противъ такихъ предписаній и заявить, что „употребленіе общерусскаго, т. е. на самомъ дѣлѣ великорусскаго правописанія въ малорусскихъ текстахъ есть вообще затижя неисполнимая, потому, что правописаніе неизбѣжно подчиняется фонетикѣ, а въ работѣхъ лингвистическихъ какъ словарь, представляется дѣломъ прямо немислимымъ“. (Ст. 21.)

Се повинны собѣ зазначити и наши консерватисты, котрѣ не знаютъ одорватися од святого йора, увакають за неотпустительный грѣхъ писати *и* перед *й* або *і* межи двома согласными буквами.

Они не позирають на то, что в російском языке *и* выповѣдается як мягкое *i*, а *ъ*, як у нас *ye*; забываютъ, что законы великорусскоѣ правописи примѣнены до великорусского, а не до нашего вокализма.

О вокализмѣ нашего языка занимався я в другой брошурѣ моей, туй лиш то зазначу, что из гласных лиш буквы *а* и *у* мають еднаку роль так в мало-, як в великорусском языкѣ, другѣ гласнѣ буквы все инак выповѣдаются и переголосуются.

На пр. слово „гости“ великорос выповѣдае „gasti“ (die Gästen), но малорос вже не буде читати сие слово так, як оно повинно быти т. е. *hosti*, ибо у нас *и* выповѣдается, як малярское среднее *é* (напр. *kenyé*r).

Або на пр. латинское слово „minister“ по великорусскому одповѣдно може ся писати так: „министеръ“, бо там *и* выповѣдается як *i*, но малорос повинен бы слово „министер“ читати вже, як „*ménéster*“.

Або берѣм слово „при+иду=прийду“; по великорусскоѣ правописи се маеся писати так: „прийду“, ибо перед *й* не можеся писати буква *и*. Се москалеви одповѣдае, бо у него *и=i*, но русиновѣ нѣтъ, ибо у него *и* не выповѣдается як *i*.

Словом вокализм малоруського языка не позволяе примѣнити правила великорусского письма до малоруського.

Акад. Наук и каже о тых, котрѣ примушовали великорусску правопись на малоруськѣй язык:

„Мы склонны думать, что ими руководила мысль сблизить посредствомъ правописанія малоруськѣй языкъ съ русскимъ. Странное заблужденіе! Прежде всего, что разумѣть подъ требованіемъ придерживаться общепринятаго русскаго правописанія? Если понимать требованіе закона 1876 г. такъ, что напр., малоруськія слова: *віра*, *місто*—должны явиться въ великорусскоѣ оболочкѣ: *вѣра*, *мѣсто*, т. е. чтобы звукъ *i* изображался буквой *ѣ*, спрашивается, что помѣшаетъ Малорусу изображать черезъ букву *ѣ* звукъ *i* также, напр., въ словахъ: *дѣд* или *нѣс*? — Выиграетъ ли отъ этого дѣло сближенія съ великорусскимъ языкомъ, гдѣ эти слова звучать *лѣдъ*, *нѣс*? Но если дѣло идетъ не объ общепринятомъ правописаніи, а только объ общепринятыхъ въ русскомъ-алфавитѣ буквахъ, то почему запретнымъ оказалось писать *віра*, *лѣс* вмѣсто *вира*, *лис*, если *i*—русская буква (міръ), и почему

малорусскій звук „и“, не смягчающій предшествующей согласной, предложено изображать черезъ *ы*, а не *и*? Во всякомъ случаѣ малорусское письмо съ внѣшней стороны могло бы сравниться съ великорусскимъ скорѣе всего, придерживаясь правописанія Малоруса Максимовича. Но, кому же нужно такое внѣшнее сближеніе?“. (Ст. 37.)

Наши „кацапствующіе“ в своей неуности еще дальше идутъ. Они не лишь звучно, но и морфологию малоруську убиваютъ формами великорусского языка.

Что симъ противо-естественнымъ насильствомъ якъ много шкодятъ культурѣ народа нашего, на то классично указуе Академія сими словами:

„Мысли и чувства Малоруса неудержимо рвутся на бумагу, и ему нѣтъ иного пехода, какъ выразить ихъ обычнымъ своимъ просторѣчіемъ, ибо чуждый ему великорусскій литературный языкъ не можетъ стать проводникомъ родной его рѣчи, не можетъ, и по существу своему, не долженъ быть съ нею сближенъ и сравненъ. Реформы Петра Великаго вывели Россію на путь свѣтской образованности: въ результатъ, съ одной стороны, книжный великорусскій языкъ сравнялся съ разговорнымъ языкомъ Великорусовъ, а съ другой, разговорный языкъ Малорусовъ сталъ языкомъ новой малорусской письменности. Не допустить законность и естественность этого послѣдняго результата—равносильно было бы признанію того, что свѣтская образованность не коснулась Малоруса; это было бы равносильно признанію того, что на сѣверѣ—въ Москвѣ и Петербургѣ—свѣтская образованность должна была сблизить языкъ разговорный и письменный, давъ первому изъ нихъ перевѣсъ, на югѣ же, въ Кіевѣ, та же свѣтская образованность должна была только замѣнить старый письменный языкъ новымъ, еще болѣе отличнымъ отъ разговорнаго, еще болѣе ему чуждымъ“. (Ст. 26.)

Той, Академію осужденной „неисполнимой затѣи“ жаеае служить и п. Гусняй, коли заявить: „Признавая общерусскій литературный языкъ и требуя его введенія в школахъ и урядахъ мы отъ народнаго нарѣчія отклониться не хотимъ“.

Словомъ п. Гусняй и сам, хотяи филологично не разсудивъ дѣло, природно чувствуете, что общерусскій языкъ (якого по словамъ петерб. Академии и не е) не може быти нашимъ

и зато не хоче отклонитися од „народнаго нарѣчія“. Як думаеть исполнити „неисполнимую затѣю“, о том не говорить,

Шкода и трудитися! Не удалось то на Украинѣ, не удалось в Галичинѣ, даже и на православной Буковинѣ, не удастся оно и нашим москвофилам.

Повторяеме: шкода за роботу, шкода за утраченное время, и наибольша шкода за утраты народноѣ культуры.

П. Гусняй каже, что простым языком нашим не можно лиш о домашних рѣчах бесѣдовати, что руський народный язык зовемъ не способный до выражения высшихъ понятій. На се смѣеме ему сказати, что он ще а ни одного малоруського классика не перечитав. Если бы був на примѣр хоть дачто читав из Шашкевича, мог бы був видѣти як можно взнестися высоко, як можно нашим языком без чужоѣ примѣшки и найвышшѣ понятія о Бозѣ гладко выговорити, та ще як сильно, як мудро, як положительно, основно. Не язык народный винен, але тот наш самоучок, котрый не знае, по руськи. Шашкевич не рок не два выучовав п розбирав народну бесѣду: То радиме мы и пану Гусняю и другим, чтобы взялися до работы, бо без працѣ никто не стався еще писателѣм и лингвистом.

VI.

Что говорить нам исторія литературы Подн. Руси?

Наши москвофилы часто отзываются на то, что у нас всегда писалося по русски (значить: по великорусски), и что лишь новѣйше заводять русинство ци украинизм.

То каже и п. Гусняй, котрый опираючися на слова Н. А. Мустяновича смѣв повторити неправду, что „Карпаторусы стояли всегда на точкѣ зрѣнія единства русскаго литер. языка“, и что нашим литературным языком був всегда язык Пушкина, Гоголя и Тургеньева (Ст. 3.)

Ниже обширнѣйше докажем, что се есть до неба вопѣюча неправда. (Вже и проф. Др Тихій указав на то, что не Мустянович, на галицкій поэт Н. Устянович написав р. 1886. что „великорос пише по нашому и выговоривает по своему“.)

Звычайно так говориться, что наша письменность дуже молода, и п. Гуснай датге еѣ лишь од 60—70 лѣт, т е. од часов Добрянского.

Новѣйшее поколѣня из исторіи літературы сих 60—70 роков мало знае, позирае лишъ поверхністно буквы письма и из того судить, что у нас быв всегда напрям великорусскій.

Та сеся думка дуже хибна.

Старѣ рукописи и людова словесность ясно говорить, что у нас была література, и то жива и *народна* и перед 1830 и 1840. р.

Др Гіядор Стринскій в брошурѣ „Старша руська письменность на Угорщинѣ“ вже в 1907. роцѣ указав на наши старѣ рукописнѣ книги из XV—XVIII. вѣков як напр. на Лѣтопись Мукачевского Монастыря из р. 1458., Толковное Евангеліе из села Скотарського (1588.), Догматика (1598), Гукливскій лѣтопись (1660.) Учительное Евангелія О. Теодора Дулишковича (р. 1673.), Учительное Евангеліе из Данилова (XVII. в.), Притчи и казаня Теслевцьового (XVII. в.), Унгварскій рукопись (Казаня из XVIII. в.), Угрорусскій слѣвник (XVIII. в) и пр. и на людову словесность с еѣ казками повѣрками, слѣванками, пословицами и загадками.

А из сих рѣчей голосно говорить к нам народный дух нашоѣ літературы.

Др. Стринскій перестудіювавши спомянутѣ в его брошурѣ найстаршѣ наши литерат. памятники и то 56 кусников и найдавнѣйшѣ стихотворы, звѣдае: „На што нас сеѣ старі писаня научають?“ И одповѣдае:

„На сампередѣ на того, што наші дѣды уміли знаменито по руськи писати, а то подекуды далеко лѣпше, як мы, познѣ внуки. Такимъ чистымъ, народнымъ руснацькимъ складомъ идуть сеѣ слова, гейбы фхъ декто из нашихъ селяниновъ теперь приказавъ, Запамятайте собі добре! передѣ двастопятьдесятьма роками красше и розумнѣйше писалось у насъ, якъ теперь. (Во кладѣть руку на сердце, пане читателю, вы бы не потрафили такъ просто и гладко руськимъ складомъ писати, якъ отсѣ старі!) Та чому сеся дивнота?“

Подѣ Карпатами такъ изъ нашего боку, якъ изъ Галицкого не было у XVI—XVIII. столѣтяхъ ни просвітнихъ осередков (центровъ), ни знатнѣйшихъ школъ руськихъ. Не было літературы по нашимъ розумнѣемъ, не было панськоѣ читаючоѣ публики, отже не было кому и писати по панськи, тобго по ученому — церковному. Наша стара публика была переважна не читаюча, але *слушаюча*, отже треба было сеѣ церковнѣ оповіданя писати такимъ языкомъ, якого простый народъ добре розумівъ. *Тому то*

уся творы старшоѣ письменности писанѣ народнымъ, руснаць-кимъ словомъ, якій у насъ тогды говорився.“

Воистину правда, что если бы мы знали были продолжати сесю народну письменность у XIX. вѣку мѣсто чужоѣ великорущины, то мы бы стояли теперь высоко у просвѣтѣ. Бо тота стара письменность была наша, выросла на нашей земли, та мала будучность, но лишѣ треба было еѣ плекати.

Але нам судилося иншак: — пише Стрипскій — коли „по цѣлой Угорщинѣ найкрасше цвитаѣ демократизм (народовство) политично и литературно, тогды передникамъ угорскоѣ Руси забаглося до аристократноѣ, до панскоѣ, великоѣ российщины. Перервали зовсѣмъ связь, якій насъ вязавъ до просвѣты и переданъ літературныхъ XVII—XVIII. вѣковъ; завели у насъ новий, але чужій письменный языкъ московскій, та симъ перерізали народъ на двѣ окремы части: на пановъ и на простый людъ. Перші не научилися и до нынѣ по московски, а писати ѣмъ по простацьки всетаки не хочеса; наслѣдкомъ сего простаки лишилися „у тѣмѣ кромішной“, збіднѣли та помарнѣли. Се перша наука, яку можеме стягнути изъ старшоѣ письменности“.

И что причинило упадок народноѣ литературы? Исторія и се красно нам потолкуе.

В часах Андрея Бачиньского зачали наши попы учитися в Тернавѣ по латинѣ. По латинѣ они ѣ говорили и вже смѣялися з тых, что говорили та писали по руськи. По латинѣ зачали тѣ новѣ вже ученѣ попы писати. Але якое было то их письменство? Кто их розумѣв? Хиба другѣ попы, что знали по латинѣ, бо народ что знав только по руськи, тых книг не читав и не моѣ читати! Так и отвыкли от руського письма.

В 1831 р. явиться граматика Лучкая его „Ц. Бесѣды“ в котрых заговорив народным языком.

Коло 1840 року выступае и Духнович. Язык в его творах опертый по большой части на народном. Духнович написав и „Граматику“. Ту граматику выдал в Будапештѣ П. Раковскій. Раковскій змѣнив без дозволу Духновича правопись книжки, „на основаніи чисторусской орфографіи“, за что Духнович дуже сердився.

В 1867 р. зачинае выхидити в Ужгородѣ „Свѣтъ“. Той поставив собѣ за цѣль ширити „общерусекій литературный“ язык и „русскую литературу“. И як то остро брався он до дѣла! В 4. ч. из 1867 року пишеса в „Свѣтѣ“: „Не надобно намъ

составляти литературу, какъ то дѣлали на пр. наши братья Мадьяры — *надобно только обучиватися ей!* То задача наша старицею лекша какъ была помянутыхъ братьевъ и соотечественниковъ нашихъ отъ года 1820“ и т. д.

Готова литература вже в 1867 р.!

Мадяре не мали готовоѣ и творили! Подкарпатська Русь вже въ 1867 роцѣ мала готову литературу! „Не надобно намъ составляти литературу!

На „Свѣтъ“ покликуються часто, як на новинку „общерусску“. А ктось, что не знае дѣл мог бы думати, что и всѣ Подкарпатскѣ Русины из 1867, 1868 и слѣдующихъ лѣтъ были общерусскими та думали як Свѣтъ! *Подкарпатскѣ Русины из 1867 и 1868... были противнѣ московскому духу „Свѣта“ и коли „Свѣтъ“ почав писати по московски, по литературному, стали люде его лишати! С початкомъ 1868 року вже не было и 200 такихъ на Подкарпатской Руси, котры хотѣли бы „Свѣтъ“ читати и за него платити.*

В 1. числѣ „Свѣтъ“ из 1868 р. е „Отвертый листъ до редакци „Свѣта“. Написав его якийсь „Верховинець“. З того листа наведеме деякѣ урывки. Верховинець пише дословно так:

..., „Четыреста“ и десять предплатителей надобно (или потребно) къ тому чтобъ „Свѣтъ“ безъ утраты Общества св. Василія, какъ издателя сдержался; а мнѣ донеслося, что ни половина сего числа еще не явилася до дне 1-го января, и что Общество св. Василія только добродушіемъ и въ надеждѣ лучшія будущности — „только на пробу“ — приняло на себя издержки „Свѣта“ еще на четверть года“.

„Я размышлялъ о причинахъ того равнодушія, котрымъ публика наша — съ изытіемъ нѣкоторыхъ предплатителей — отъ „Свѣта“ отвернулася.“

..., Первою причиною паденія „Свѣта“ въ очахъ публики нашей кажется быти: *письменный его языкъ. Кажется, что „Свѣтъ“ пишетъ языкомъ неразумнымъ, непонятнымъ публикѣ, писатели его самоохотно выбираютъ слова, изреченія, слоги, изъ словарей и не употребляютъ языкъ, котрымъ говоримъ или слова, котрыя каждый читатель разумѣти можетъ безъ словаря — которого еще и не есть, чтобъ въ немъ толкованіе словъ на мадыарскомъ языкѣ найти можно было. Публика наша жселаеъ, чтобы писати „по нашему“, безъ „цифрованныхъ словъ“ безъ московскихъ слоговъ“, безъ „новыхъ выраженій“.* Для чего бо

4 золотн ежегодно жертвовати на то, что не разумѣемъ и читати не можемъ съ пользою и легкостію....

Седмою причиною приводится, что „Свѣтъ“ не есть для *всего народа*, только для образованнѣйшихъ людей; а тѣхъ не есть только, чтобъ 500 предплатителей собрати можно. Даже надобно бы была часопись, писана такъ, чтобъ ею при образованной части народа и нижшія сословія, учителя, селяне и пр. пользоваться могли.“

Верховинець.

Але отсей тверезій та розумный голос „Верховинця“ не знайшов послуху в редакціи „Свѣта“. „Свѣтъ“ даде писав не „по нашому“, а уживав „цифрованныхъ“ слов, „московскихъ слоговъ“ и т. д. Очевидна рѣчь: Русины из 1868 року не разумѣли, не читали и не платили за „Свѣтъ“.

В 30. числѣ из 1869 року зачинаються в „Свѣтѣ“ статѣ „*Какъ имѣемъ писати?*“. В тых статяхъ застановляеся редакція, яба е причына упадка „Свѣта“. Ці каже: Что причиною сего паденія? Да, „паденія“, бо „Свѣтъ“ съ начала хорошо постоялъ — послѣ упавалъ — а еще упавалъ по той мѣрѣ, по которой чистился, образовался и усовершался языкъ, на которомъ писанными были статьи его...“

Выше згадана статья тянеся в 30, 31, 32, 33, 34 и 35 числахъ „Свѣта“ з 1869 року. Наведеме з неѣ колька урывков, чтобы показати, як вже тому пятьдесятъ лѣтъ дивилися на Подкарпатской Руси на „общерусскій“ языкъ!

В 33. числѣ „Свѣта“ каже редакція межи иншимъ: „*Вопрошаемъ: сдѣлалась до сихъ поръ мѣра, сдѣлался ли малѣйшій крокъ къ тому, чтобъ нашъ „Свѣтъ“ остался приступнымъ и народу? Имѣетъ ли сей „народъ“ и малѣйшія пользы изъ нашего литературнаго дѣйствія, котораго представителемъ — животворителемъ — и punctum culminacionis „Свѣтъ“?... Всѣ народности въ Угорщинѣ — даже еще и потупленныя жида, имѣють свои литературныя предпринятія для народа — то есть, для простаго народа — мы же не имѣемъ ничего для сего „простаго народа и хотимъ славиться литературою, сему народу по крайней мѣрѣ неприступною! Творимъ изъ литературы монодаль, содержанный для нѣсколькихъ людей, а народъ оставляемъ тамъ, гдѣ прежде былъ — при невѣжествѣ“.*

Або в том самомъ числѣ:

„Мы дѣлаемъ явный вопросъ: *будетъ ли имѣти пользу изъ того народъ, ежели десять или двадцать мужей изъ насъ*

станутся литераторами, а народъ останется безъ науки безъ просвѣщенія“?

В 34. числѣ автор высказуе сякъ важнѣ дѣмки.

„А то всегда рабство не имѣти своей воли, но слѣпо идти за инымъ, куда оны насъ поведеть... Головное то дѣло для народнаго образованія, не искати литературу народа — основаніе литературнаго развитія индѣ, какъ въ самомъ народѣ“.

Отсе урывки из „Свѣта“. Из них видно ясно, что „Свѣтъ“ не пустив корѣни и великорусскоѣ литературы не перенѣс до нас. Чтѣ больше : межи русинами выкликав сей великорусскій напрям негодованя и реакцію. Вже тогда перед 50 лѣтами хотѣли Подк. Русины мати литературу „по нашему“, по своему матерному языку.

А сяких протестов против „русского“ языка, а против ни мало- ни вел.-русского язичія находиме богато и в Листку. Майже постоянно поносуея редактор о ровнудушіи публики. В 19 ч. 1886 р. осуджуе У. Метеор язык Карпата, что „сочинилъ небывалый языкъ“. Дописователи требуютъ язык „легшій“. Появились статьи Безйорова против Ъ-а (18., 19. ч. 1886). Як „образцы нарѣчій“ печатае „Листокъ“ нар. пѣсни, вѣрши, оповѣданя (13, 14, 18, 20 числа 1887). Вѣрши Фенцика, что написав к своей зарученной, написавѣ чистым народным языком.

„Общерусская литература“ вже тому 50 лѣт роздвоила Русинов на Подк. Руси на двое. На „ученыхъ литераторовъ“ и „темный народъ“. „Свѣтъ“ из 1869 ч. 33. каже в статѣ „Какъ имѣемъ писати?“ „произвели литературу для нѣсколко людей, но принебрегли народъ и оставили его безъ литературы, даже безъ азбуки, безъ букваря, библійки и катпхиза... Вотъ примѣръ : мы издаемъ всенародную исторію для интеллигенціи — думаемъ для нея издати и словарь, — но и для народа не издали мы еще и одинокую литературную букву, кромѣ рождественныхъ и пасхальныхъ иѣсней и то все — на церковномъ языкѣ“.

„Церковная Газета“, „Свѣтъ“, „Карпаты“, а потомъ и „Листокъ“ брали готовѣ фельетоны из рѣжныхъ російскихъ новинок и их передрукововали. Але то, что было свое в Москвѣ — се было чужое на Подкарпатской Руси! От в 33. числѣ „Свѣта“ из 1869 пише „Критикъ Свѣта“ такое про ту готову литературу: „Для чего намъ искати что то в чужинѣ, прежде бы нежелли мы укрѣпилися дома?... Не довольно намъ острѣти перо на московскихъ историческихъ предметахъ, когда наша собствениа исторія дае

нам ежедневно довольно способа поощрять перо наше — надъ самими себя... Доколѣ мы ходимъ по Москвѣ и Куликовомъ полѣ: дома сгорить собственная будовля... а ни отъ Дона, ни отъ Куликова не прійде никто гасити!“

А колько людей отсе чужое незрозумѣлое письменство одчужило од нас и перекинуло до Мадяров — про то и не згадуеме!

Досить, что вже передъ пятьдесятьми лѣтами осудили Подкарпатскѣ Русины „общерусскую литературу“ як не родну, а чужу. Чиж дивниця отже, что мы, нынѣшное поколѣня, нынѣшнѣ Подкарпатскѣ Русины не хочеме вже блудити, як блудили нашѣ отцы? Не хочеме блудити шукати чужихъ богов, а хочеме творити и розвивати нашу родну материнску бесѣду и культуру.

Наши москвофилы коли говорятъ „о нашей литературѣ“, глубоко мовчать о всѣхъ тых, котрѣ писали по нашему.

Москвофилы из малороссовъ отзываются лишь на Гоголя и не споминають множество малоруськихъ писателей.

И пан Гусьнай згадуючи про словарь, Митрака и Бескида каже: Другихъ „русинскихъ“ словарей здѣсь вообще не существует.“ — И се е „вообще“ не правдою, бо в 1883 вышловъ словарь Ласлова Чопея котрый е навѣть до сихъ поръ найлѣпшій бо не переробленный з російськихъ словарей, но Чопей збиралъ самъ слова *по селахъ, з уст народа* и протого подавъ большій диялектологичный матерьялъ якъ другѣ.

Кто бересея рѣшати языковый вопросъ, повиненъ бы знати такожъ дещо про словарцѣ *Свяницького, Гнатюка та П. Верхратського* до ихъ етнографичныхъ та языковыхъ праць про Подк. Русь.

Исторія Лит. напоѣ свѣдчить, что передъ *Ломоносовымъ*, котрый в першой половинѣ 18 в. давъ основы до „русского литературного языка“ у насъ на Подк. Русинъ писали вже по нашему по руськи, мали свой руській литературный языкъ. Лучкай в 1830. и Фогороши реформовали правопись, а они цѣлкомъ не стояли „на точкѣ зрѣнїя единства русскаго литературного языка“.

Подобну игноранцію проуказуе и Гусьнай в вѣднѣшихъ мало- та великоруськихъ справахъ. В Галлчивѣ каже „началась борьба *двухъ партій*: русской и рутенской (правительственной)“ по 1848 р. за стараньемъ намѣстника Сталіона — (8 ст.) „.....! А где подѣлася „*Historia ecclesiae ruthenae*“ на-

писана Герасевичем з початком 19 вѣка? А где *Івана Могильницького* „*Розправа о языкѣ руськом*“ з 1829 р. в котрой стоить за самостойностью нашего языка? Где „*руська тройця*“: *Маркіян Шашкевич*, *Яков Головацкій* и *Вагилевич*, котрѣ вже в 1837 роцѣ выдали в Будинѣ „*Русалку Днѣстрову*“ першу в Галичинѣ руську книжку написану народным языком и фонетичною правописю? Где литературна дѣяльність *Антоня Могильницкого*, *Миколы Устияновича* та инших? Где *Головацького*: „*Zustande der Russinen in Galizien*“ выданѣ в 1846 р.“

И ци не смѣшно начинати исторію Украины од..... *Бисмарка*? (ст. 7.) Та куды дѣти *Наливайка* (XVI в.), *Виговського*, *Дорошенка*, *Мазепу*, *Орленка* та много, много инших, котрѣ боролися против *Польши* и против *Москвы* за свободу малоруського народа? Где подѣти ту всю литературу писану по народному почавши од XVI. вѣка? Где подѣти примѣром переводы святого письма „*изъ языка болгарскаго на бесѣду роуськую для лепшого вырозоумленя люду християнскаго послолитого*“? Где подѣти словарь из XVI. вѣку „*изъ словенскаго языка на простый рускій*“ „*діалектъ истажкованы*“?

Словом наши „*кацапствующіе*“ не споминають ани творов *Лучкая*, *Довговича*, *Чопея*, *Чосина*, *Жатковича*, *Стрипского* и пр. не говорят о том успѣхѣ, котрый мала и наша „*Наука*“, котра в 1894 роцѣ почала по нашому писати и вже до конца первого рока достала 800 читателей, а „*Исторек*“ писавшій тогда „*на русекі*“ тогда мав лиш 25 читателей.

Они не хотят видѣти факт, что от самого начала, коли у нас штучно завели великорущину, постоянно возростав природный отпор против того язычія и язык писателей наших постоянно сближався к народному.

И коли говорят о грамматиках, не хотят увидѣти факт, что *Евм. Сабов* также сближався к народному, выбрав лиш легшѣ примѣры и указовав на розлуку народного выговора од великор. форм.

Ще дальше пошов ниже подписанный в свей по малярски написанной малоруськой грамматцѣ, „*Gyakorlati Kisorosz Nyelvtan*“ р. 1907. в передмовѣ котроѣ заявив, что кто хоче знати по малоруськи, тот не потребуе великоруськоѣ грамматики, но окрему малоруську грамматику мае употребляти;

граматичні примѣры брав изъ народныхъ писень, пословиць и оповѣданъ, и хотяй не досяг до цѣлькомъ чистого малоруського письменного языка, однако сдѣлав рѣшительный крокъ к народному стилю.

Се и признала будапештянска Акад. Наук, котра на основѣ критики проф. славистики д-ра Ашбота, учебникъ сесѣ, як першу пробу граматикки малоруського языка на Угорщизинѣ похвалила и грошевою наградою отличила.

Наши „кацапствующие“ не хотять видѣти богату литературну працю К. Жатковича, Ал. Маковицкого, Пр. и Викт. Легезы, д-ра Стрипеского, Невидцкого, Деяна Лукача и пр. бо сесѣ всѣ были, а котрѣ жиють и суть свѣдомыми народцями.

Не хотять дознаватися од сих, по правдѣ знающихъ свой народ и языкъ этнографов, филологов и писателей, ож як бы намъ писати.

Д-р Г. Стрипескій в брошурѣ „Старша Руська письменность“ на ст. 11. пише:

„Але народный, простой языкъ старыхъ писанъ навчае насъ и на третье дѣло. Именно на того, *што наши побали намъ сими писанями вже впередъ ова сто роками ясныи прикладъ до того, якъ треба намъ писати по нашему.*

Кожда література дае намъ такий самый прикладъ.

Верімъ на примірѣ мадярскую письменность. Які сильні, здорові творы полищали по за собою Пазмань, Мікешь, Фалуді, Гваданѣ, што еще и теперь ѣхъ любо читати; а які мляві, худѣ писаня пописали ѣхъ панські наслѣдники, што належали до школы Казинція. Та чому? Бо Пазмань и Мікешь писали живою простацькою мадярекою бесѣдою, котру каждый легко розумѣе, а панове Казинційські намагали ся файнымъ панськимъ языкомъ писати, на котромъ теперь уже сміеме ся. Бо ци не смішно было того, коли Барцафалві Сабо Давидъ такъ писавъ: „A bongora szomoronc z hangozmanyainál eredvényezve bájdánasztak a hon lelkedző leányi“. Наврядъ *се по мадярски*. Айбо ци говорить кто такимъ языкомъ, якимъ Сабо писавъ? Треба было ажъ XIX-му вікови наступити, абы Чоконаі, Петевфі, Йокаі та Арань завели порядокъ у тоту мішанину, пменно тымъ, што засъ вернули ся до старыхъ прикладовъ Міреша та Пазманя, то есть завели въ літературу живой простой мадярській языкъ. Ану! Яка сильна и красна теперь мадярска література, отъ

коли шговхнули єв напередь народні письменники, то єсть оть коли лишили ся оть паньского языка и почали писати простымъ, народнымъ языкомъ ! Чому ? бо мадяры вызволпи оть панщины не только своѣхъ простаковъ, але и ѣхъ простацку, здорову бесѣду. А сесе случилось саме тогда, коли на Угорьской Руси завели файный „паньскій“ языкъ московскій для нашоѣ письменности.

Колі не скорше, то бодай 1848-го року повинно бы было дѣятися и въ насъ такое вызволенье : писати за прикладомъ на шпмъ старыхъ по народному. Але на жалъ не такъ смало ся. Послѣднимъ такимъ поблискомъ, правда, ознався еще на початку XIX-го столѣтя одень письменникъ — Михайло Лучкай, — котрый своѣ проповѣди рѣшучо подь вліяніемъ демократичного духа Мадяровъ (што тогда, 1830 р. розширився вже по цѣлой Угорщинѣ) пише разумнымъ народнымъ языкомъ. Та бо єв шпмъ и конецъ ! Бо якъ прийшли 1849-го року московскі збрѣв на Угорщину, они такъ заімпонѣвали нашимъ панамъ своею силою, што паны не видѣли по за московщиною передь собою ядного русьского свѣта. Почали писати на великоруській прикладъ, змагалися єпмъ чужимъ, безъ насъ виробленнымъ далекимъ языкомъ писати, та зовємъ забыли продовжати старый прикладъ нашихъ батьковъ. Айбо цзъ того не вышло ничего доброго. Про паньскій языкъ зовємъ занедбали простого робучого народа ; подражаючи на письмі великоруській языкъ (бо говорити такъ не знали по паньски, лишъ писати), не творилися на народну просвіту, лишъ носили безхосенно руснацку каплю у московское море. Наслѣдкомъ сихъ нездоровыхъ змаганъ и того чужого *русского* языка стратили паны изподь себе землю, бо неученый, темный народъ збіднѣвъ до крайности ; сами паны чужого языка не научились, а свого забыли, та такъ теперъ *обоихъ* позбылися.

Теперъ мы живеме якразъ у такомъ полєженю, у якомъ были предки наші въ XVII—XVIII-омъ столѣтѣ : не маеме просвітнихъ заведень, не маеме пановъ, не маеме книжокъ, тожъ и не є для кого чо паньски писати. Кто теперъ читає въ насъ по руськи ? Селяне. Та якимъ языкомъ повиннѣ мы для селянъ писати ? Розумієся, што по народному : именно по тому, што у насъ виробився, на нашой землі, нашими письменниками Угро-руськими ; языкомъ, котрого простый народъ вповнѣ розуміє и радо читає. Айбо народъ нашъ

читавъ и чествовавъ лишь тотъ старі писаня, о котрыхъ говориме, тому *то наша повинность — продовжати тому стару письменность, бо она наша.*

Бо у томъ то найгоршое нещастье, што змаганя предковъ нашихъ не нашли у насъ, потомкахъ, наслѣдниковъ. Такого лишь у дикихъ Австралійцяхъ та у чорныхъ Африканцяхъ видиме.

Бывъ часъ, коли школьный проінспекторъ, Митро Поповичъ писавъ 1796. року Кошицькому продіректорови, што пересмотривъ и выслѣдживавъ понадъ 300 руснацькихъ школь по нашихъ селахъ и всюды найшовъ великій порядокъ; хлопцѣ училися добре, учителѣ говорили по трьомачотырьма, народъ бывъ письменный, просвѣтный... А теперь? Сѣмдесять процентовъ селянства не знае буквы; а коли бы не были мадарьскі (державні) школы, то было бы и 90% неписьменныхъ“. (Стрпскій: Старша Руська Писменность 1907. р.)

Словомъ исторія нашоѣ литературы богато осужуе несчастнѣ пробы великорущины середины мия. вѣка и *загально представляе собою, сильный напрям к народной. малоруськой литературы.*

VII.

Яким-же нам языком писати?

Наши москвофилы говорятъ:

— Добре, добре, тады мы то вже признаеме, что наш язык то не великорусскій, айбо и так званный украинскій литературный язык не наш, бо много мае чужих особливо польских слов и пише чужою нам фонетикою.

Правда, что малорусскій литературный язык в Львовѣ набрав до себе много полонизмов. „Но, як то Петерб. Акад. Наук каже: „польскіе элементы не затемнили народной основы языка.“

„Они заняли только мѣсто тѣхъ великорусскихъ элементовъ, вторженіе конхъ было бы неизбѣжно при широкомъ и свободномъ развитіи малорусской письменности на Украинѣ. Обогащеніе иноязычными элементами—это удѣлъ каждаго литературнаго языка (западноевропейскіе элементы въ нашей великорусской рѣчи доказывають, что отъ вліянія иноземщины не обезпечены даже весьма развитые письменные языки). Но совершенно неизбѣжнымъ

становится вліяніе сосѣднихъ языковъ, когда языки эти принадлежатъ родственному племени; такъ польскій литературный языкъ отразилъ на себѣ вліяніе чешскаго, а посьскіе пуристы ведутъ бесплодную и утомительную борьбу съ вліяніемъ великорусскимъ: такъ словенскій языкъ проникся элементами сербско-хорватскими; такъ болгарскій языкъ весь насквозь пропитанъ великорусскою стихіей. И такъ же точно нельзя было малорусскому языку уберечься ни отъ великорусскаго, ни отъ польскаго вліянія. Умѣніе воспользоваться иноязычными элементами, отсутствіе боязни къ нимъ, смѣлое отношеніе къ новому лексическому матеріалу—весьма часто свидѣлствуютъ о силѣ и крѣпости юнаго литературнаго языка, неудержимо стремящагося къ все большему захвату въ области выраженія человѣческихъ мыслей и чувствъ. (Ст. 28.)

И пан Гусьнай закиде малорусскимъ писателямъ особливо Винниченкови неологизм. Но звѣдуемъ, чи жадному авторови не вольно уживати новыхъ словъ? Оповѣдь найдеме в біографіяхъ Шекспира, Петевіюго, Гетого, Пушкина, Гоголя, Шевченка и т. д. Каждый живой письменникъ живого народа уживае живыхъ новыхъ словъ, котрѣ находитъ у своего народа, а котрѣ ще не были введены в литературу, або котрѣ самъ творить в дусѣ народномъ. Се дѣся тогда, коли поетъ, чтобы высказати свои думки, чувства та настроѣ, не находитъ межи давними уживающимися в литературѣ словами одновѣдного слова. Се дѣся и тогда, коли повстануть новѣ понятія и рѣчи, котрѣ треба назвати. (Ось такъ назвали у насъ: *мзтак*—машина до лѣтаня, *летун*—чоловѣкъ, что летить и т. д.)

Тымъ способомъ вводится все и все новѣ й новѣ слова до каждоѣ литературы.

Такъ назвали на пр. мадяре фамилію мышей, (пацкунов)—*rág-csáló*-ами, а русины: грызунами.

Коли бы не сѣ новѣ слова, то жадна литература не розвивалась бы. Ниша вже рѣч, чи якийсь авторъ уже добре добраное слово, чи зле.

Гайне (Heine) уживъ в своихъ стихахъ много неологизмовъ. Лишь методъ и логика пана Гусьная дозволяютъ выступати противъ всеѣ малорусскоѣ бесѣды прото, что у В. Винниченка найшовъ и Гусьнай не розумѣлъ слова. Найшовъ! Кто хогъ мало обзнакомленый з малорусскимъ письменствомъ, той знае, что В. Винниченко е великимъ драматургомъ, но не е майстромъ слова. Се одно, а другое: чтобы осудити, чи якоесь слово е зрозумѣлое, чи нѣтъ, треба самому розумѣти, самому знати языкъ.

Пан Гусьнай не розумѣе слова: рѣчище, троццита и пр. Пане пойдѣть на село и звѣдайте першу лѣпшу бабу: як называеся то мѣсто, куда плыла давно рѣка, а теперь вже не плыне? — А баба одповѣсть Вам: *рѣчище*. — Або звѣдайте еѣ, куда пойшов сын? Она одповѣсть: пойшов *троццита* хворост. И т. д. Такѣ розмовы з бабами розширять Ваше филологичное образованье.

На 24 ст. пан Гусьнай бавиться у лингвистичного диктатора. Каже се слово злое, а мае быти се. Пр. не „чудовый“ а „чудный“. Пан Гусьнай не дѣйшов ще в знаню малорущины так далеко, чтобы знати, что в малоруськѣм е слово: чудовый, чудный и чудесный—и *каждое з них что иного значить*... Кажеме: чудовое мѣсто (дуже красное мѣсто), чудный (дивный!) чоловѣк и „чудесное“ воскресенье Лазаря...

Окром Винниченка обговорюе п. Гусьнай и язык дир. Алиськевича, перед котрым недавно здавав матуру. Дир. Алиськевич винен, что уживае чужих слов: психологя, експерименты, раціональна педагогика, дидактика, нормальный и т. д. — слова, котрих уживаеся у всеѣх европейскых языках. А наибольше тых чужих слов есть в русском литературном языкѣ, перенятых з нѣмецкого (пр. траур, лозунг, форелѣ, курорт, вальдшнепф, флигель, прейскурант, зонтик и т. д.—мѣсто: жалоба, клич або гасло, петруг, купелевое мѣсце, крыльце и т. д.), про что свѣдчать словарѣ як: „6.000 иностранных словъ въ русскомъ языкѣ“ и т. д.

Но если тот вел. русскій язык знав переробити тѣ чужѣ слова к своему характеру, тогда лиш ставея богатшим.

Так и у малороссов полонизмы не измѣнили народного характера языка и правдою е, что и в польском языкѣ е дуже много русинизмов. Однако од тых полонизмов каждый свѣдомый украинскій литератор усилюеся обчислити свой язык, як то на пр. свѣдчить книжечка, недавно изданна в Вѣднѣ под заголовком „Паки и паки“, в котрой указав автор на множество полонизмов (на больше, як пан Гуснай).

Язык, як живой организм, росте и постепенно развиваеся. Стоячи на принципу сеѣ эволюциі мы не привязуемя к ошибкам дотеперь развившогося языка, не уважаеме днешній его стан закаменѣлым болваном, на котром вже ничь не мож измѣнити.

Головное туй лишь то, чтобы мы *сохранили народный (малоруській) характер языка.*

На приклад д р Г. Стрипскій перенечатав частину из лѣтописа Гукливекого и отрывок из Ліпетка. И поровняв.

„Року 1660. зима была твердая. Снѣгъ упавъ бывъ великій, такъ же люде дорогу у лѣсѣ протоптати не могли; и якъ упавъ на нушаня Пилипово, то аж Благовѣщеніе его рушило. Люде въ недостатоку соломы хыжѣ, стодолы геть подерли марзѣ. — Року 1665. вина овощей и зерна доста было, токмо на Пудгорю изъ обоихъ сторонѣ Бескѣда хлѣбъ дуже бывъ изгинувъ и зимивлѣ барзо мало было. (Изъ лѣтописа Гукливекого, рукопись.)

А послѣ 230. лѣтъ, въ Унгварскомъ Листку такъ пишутъ потомки :

„Не будь его миленькой сопруги Корниліи, умѣвшей своею веселою натурой всегда отгонять темные облака со лба своего мужа, да во всякихъ затрудительныхъ обстоятельствахъ жизни приносила утѣшеніе, иной-разъ пожалуй, неручаюсь, что наклоненъ бы не множко поругать начальство, поставившее его своимъ пренебреганіемъ во столь невыгодное положеніе; но Корнилія всегда съумѣла его выручить отъ искушенія ругательствъ . . . и т. д. (Изъ оповѣданя Уриила Метеора „Бѣда, нѣтъ жида“. Не знаю, ци порозумілисье сесе; бодай я не розумію.)

Ну? котрое изъ двохъ писанъ вамъ лѣпше до смаку, почтенный читателю? Котрое то по нашому руснацькому? Видите власными очами, куда нас повела недоля, што не дала звучитися нашей письменности съ еѣ спадщиною, съ старымъ добрымъ руськимъ письменствомъ.

Може скажете: тады и сесе и того по руськи написано!

Нѣтъ наночку, вы помиляетесь: року 1660. писалося у насъ по руськи для Руснаковъ, а року 1885-го па-русскі для гаспадинъ! А того велика розлука. Сесю розлуку выписавъ зовсѣмъ явно Унгварскій Карнатъ такими словами: „Література пишеть ся вездѣ для господинъ, а не для простаковъ“. — Што за хосенъ бывъ изъ сеѣ господиньскоѣ письменности, можеме видѣти хоть бы изъ того, што отъ 1890-го року она таки зовсѣмъ и померла: а напротивъ: стародавна руснацька література живе у нашей Науцѣ и до нынѣшнього дня. До котроѣ хочете отже пристати: до господиньскоѣ, ци до руснацькоѣ?

Мы стоиме рѣшучо за руснацькою народною письменностью, бо она мае минувшину у насъ, отже и будущность мае. Сего ради скажеме такъ: Кто хоче братися до просвѣщеня народа, тотъ

новиненъ по руськи, нашимъ словомъ, руснацькимъ складомъ писати, а то такъ, якъ наші дѣды писали передъ 200 роками, однакожь съ увагою на поступъ языкового розвою; то есть по народному.

Та что значить по народному писати? Задержаньемъ малоруського (руснацького) характера такъ пишѣмъ, якъ народъ говорить: по просту, ясно, бо сила языкова у народѣ; але безъ кривды нашихъ нарѣчій. Бо на Угорської Руси живутъ три головнѣ діалекты, котрі характеризуются выговоромъ основного звука „о“ яко і, ѣ, у (кінь, стѣль, вуль.) Жадного изъ нихъ не можемо навечери другому, то есть першенство не можно дати изъ нихъ жадному безъ кривды другихъ двохъ. Треба отже ихъ конечно золляти у спольный, кождому придатный письменный языкъ. (Старша руська письм. ст. 13.)

А *правонись*, то лиш конвенція, порозумѣнье филологов, ож як будуть они и за ними як мають другѣ писати, чтоб един другого в письмѣ, як найлегше порозумѣв.

„Кацапствующіе“ говорятъ: языковый вопросъ — то дѣло автономіи, никто не мае права рѣшати, лиш сойм.

Правда, что политичнѣ права языка, права в урядах и школах, его односинны к другимъ языкам, се принадлежить к сойму, но в справах чисто науковых, в справах правописи всягды у всеѣхъ народов рѣшали лиш до того розумѣючѣ люде, рѣшали Академіи, рѣшали власти науки и просвѣты.

Москвофилы сим фальшивымъ откликомъ на сойм, хотѣли бы лиш спинити природный и здоровый розвой нашего письменного языка.

Анкета, котру Шк. Отдѣл скликав в дѣлѣ засад правописаня, довела до такихъ головныхъ рѣшень:

1. Держатися до языка народного (малоруського). 2. В письмѣ сохранити этимологию на основѣ новѣйшихъ розвѣдокъ филологіи. 3. Сближатися к нашему такъ званному верховинскому говору и к котрому стремитися природный розвитокъ и прочихъ нарѣчій.

Сим и подана возможность сближатися к литературному языку закарпатскихъ братьев, изъ другоѣ части же этимологична *правонись* и наши архаизмы придалутся к пурификаціи малоруського литературного языка од полонизмов и москализмов.

Може ктось звѣдати, ож прочго выбрата анкета за образець правѣ верховинскій говор, а чому не язык долишняи?

Та и се дуже проста рѣч. Язык долишняи переповнен мадяризмами и словакизмами, а на Верховинѣ найчистѣйше сохранився народный характер языка. Крімъ того сим нарѣчіем говорить огромное большинство великого 40-миліонного малоруського народа. Что до примѣненя сих засад до практики анкета указала особливо на два правила великорусскоѣ правописи, котрѣ противляться вокализму нашему и о котрых вже и перерб. Акад. Наук то самое выговѣла; сесѣ правила относятся к писаню буквы *i* межн согласными и буквы *и* перед гласными. На пр. міністер, приїду.

Майже изовѣм к такому результату дойшов и д-р Стрипскій, котрый еще в 1907 року поставив ось такѣ правила :

1. Задержати все свойства малоруського языка, котрі спольні такъ у нашей бесѣдѣ, якъ у Закарпатскихъ Русиновъ, именно на сесѣ приклады : добра книжка, старі письма, ученого человека, народноѣ творчости, появленье, повно, говорясь, пишуть, пивниця, словарець, руській, Русинь.

2. Задержати Угроські свойства : здоровый, доброе, Иисусовы родичі, быкъ и мыло, быти, што, най, пишеме, Ивань, письменность, ци.

3. Задержати коренный звукъ „ѳ“ для золяння трехъ наричіи на пр. : ѳѳъ Бога, червеный ѳѳъ, только на ѳѳъ дѣлѣ, добрыхъ творѳвъ, на Подкарпатскоѣ Русин.

4. Головное правило правопису : уминати двохзначностей. Про то пишеме : кажутъ—лишь, вікъ—лѣсъ, экзамень, —едность. Однакожь изъ недостатку черенокъ у друкарнѣ не можеме розлучати звука *je* отъ звука *e* особливо буквою (хѳба церковною *e*) ; тото само муеиме чинити для точности и съ звуками *e* и *g* : томужь пропускаеме *ѳх*.

5. Уминати довгі слова, бо то не до руського смаку. Бо коли кажеме (зовѣмъ добре) часъ писеь, та чому бысьме писали описаніе? По руськи красше : описеь : споминки (місто воспоминанія), зміетъ (содержаніе), выразь (выраженіе).

6. Уминати московскі слова, коли маеме свои. Приміромъ най служатъ сесѣ слова, изъ котрыхъ перші — тото московскі, а въ клямбрахъ—наші : надо (треба), пусть (най),

Русскій (Русинъ), деревня (село), крестьянинъ (простакъ), воскресеніе (недѣля), недѣля (тыждень), господинъ (панъ), какъ (якъ), качество (якоствъ), количество (колькость), историческій (историчный), міръ (свѣтъ), когда (коли), бросити (метати), бодрѣе (лѣише), преуспѣяніе (постуць), вниманіе (увага), мальчикъ (ученикъ, школяръ), бумага (папіръ), нельзя (не можъ), глазъ (око), шляпа (клебанъ, крисяня, шапка), время (часъ), часъ (година), почти (майже), очень (дуже), изъятіе (выѣмка), вслѣдствіе чего (въ наслѣдокъ чего), баня (купіль), бранить (посварити), брозда (узда, вудило).

Та се лишъ проба, бо отходящихъ отъ себе словъ мають Москаль и Русины безъ числа, якъ увидиме изъ словаря Угро-руського, што теперь ладиться и появиться въ Унгварі*.

Се было писано вже в 1907. р. Писано щиро нашим русином, ученым этнографом и филологом.

Он стояв на основѣ этимологіи и так выбудовав систему правописаня.

Се хоче учинити и школьна управа наша, котра не може дальше позирати на хаос правописаня, ибо выдаваемѣ учебники также маються держати до едноѣ нормы.

Систему правописаня треба критизовати в цѣлости, а не по отрывным частям, из котрых нам одно або другое правило не любиться.

Этимологично пишемe и мы и посему будемe писати, т. е. на основѣ разбора слов и аналогіи. Головным правилом повинна туй быти *строга логика аналогія и исторія языка*.

На пр., наша этимологична правопись не позволить писати: краща або дуща, но крас-ша, дужша; мы не пишемe ни кинь, ни кунь, но конь; не пишемe громацкій; но громад-ский и пр.

Но логичный принцип этимологіи од правописи требуе и то, чтобы мы писали *i* и меже согласными, на пр. великі (а не великѣ), ибо аналогія букв ѣ, ю, я требуе, чтобы мы не писали *iz* (ji) там, где не е мягкое *i*. Правда, что против сего послѣднаго мож ужити историчный аргумент этимологич, котрый требуе, чтобы мы писали рѣна, свѣт и т. д.

Сесѣ суть найвиднѣйшѣ роздуки межи малоруською и великоруською этимологією.

И так по нашей гадцѣ, відповідно историчному розвитку нашого етимологичного правописаня мы повиннѣ писати сяк :

На примѣр :

Ишли козы попол лозы
А цаны лавками
Не пий, не пий паленочки
Горѣвки з дѣвками.
И я не пю, и ты пьеш
Та кто буде пити ?
Та кто буде на жиловскі
Спроты рѣбити ? (Нар. пѣсня.)

Або :

Несе баба колодочку
А дѣдо корчагу
Чекай, дѣду, не утѣкай
Най ти выву у ногу ! (Нар. пѣсня.)

Або :

Ой не ходи Грцю
Па вечерницю
Бо на вечерницѣ
Самі чаровницѣ :
Солому палять
И явля варять
А тебе Гриденьку
Счарити хогять. (Нар. пѣсня.)

Або :

Танцювала свиня з вовком,
Та страпала мѣща з шовком
Бѣда бы ти вовче стало
Кий ми хосен з танцюваня. (Нар. пѣсня.)

Як видно туй дуже мало измѣнено, лиш только, колько логична етимологія конечно потребуе.

Сесѣ змѣны дуже улегнають правонисѣ, улегнають роботу учителей азбуки и грамматики. А сесим и поможеме ширеню просвѣты, газет и книг.

VIII.

О причинах ворожнечи против народного языка.

Каждый здорово раздумующій чех або маляр чудно позирае на нашу языкову борюбу и стане сейчас дознаватися, ба что е тому причина.

На жаль сяких причин находится у нас дуже много.

1. Первою и головною причиною е неорієнтація, *неужость*. Сльпому не мож говорити о фарбах, глухому о красотах мелодій. Так задарь буду я толковати красоту родного языка нашого, если тот интеллигент zoz Lemešanosch не знаѣ ро гuski, або если он из языкознанства лишь только знае, что спознае буквы и колись перед 30—40—50 роками научився из переписанноѣ без филологичноѣ критики на наш язык російскоѣ грамматики одну або двѣ деклинаціи и инше ничь; котрый читав лишь пару статей из „Свѣта“ або „Листка“, и не видѣв ни одного малоруського классика.

Та колись перед 60—70 роками и львовска старшина руська интеллигенція протестовала против народного языка; бо ще не изблекла з себе польску культуру, и не набрала на себе своеѣ родноѣ.

2. Многѣ из самого субъективного конзервативизма суть против всякоѣ реформы. Они привыкли к „ъ“-у, не знаются од него одорвати, хоть бы уже цѣлый свѣт забыв за него. Сесѣ конзерваторцѣ против прогресса в языковом дѣлѣ мають лишь один аргумент: „Не любиться ми“ и готова диспута.

3. Многѣ из межи ворогов народного языка из *политичных* причин подпорують москвофиллизм и роздувають языкову борбѣ. На пр. не треба довго толковати прочто помагають москвофильству пражскѣ централисты (Швелла, Клофач и тов.).

Общезнано и то, что поеднѣ чеськѣ политики из зле толкованого руссофилства стали на сторону кацапов. Так напр. проф. Нидерле в творі „Slovansky Svět“, Praha. 1909. (под загл. „Slavjanskoje plemja“ появилося и Encykl. Slav. Filologii) признав, что „mezi Velkorusy a Malorusy jest rozdíl hlubší. Jest nejen v jazyku nybrž i v těle a v duši lidu: v povaze, temperamentu, v písni a ovšem i v kroji, v obyčejích a zvycích и хотя доста объективно цертракуе мало- и великоруськѣй вопрос, однако высказуеся новѣйше за едность русских племен.

Исторія стѣненіѣй малоруського языка и борбѣ славянскоѣ филологіи за права малор. слова доста ясно доказують, что новѣйша, свободна, демократична Россія не може повторяти ошибки царславноѣ реакціи.

Интересантно, но так е, что многѣ из мадяронства выступаютъ противъ малоруського языка. Они боятся од воскресеня русиновъ черезъ народну просвѣту и видячи великѣ услуги московщины для мадяризаціи, любили бы и теперь спинити розвитокъ народноѣ культуры.

Не хочеме никого обижати, но могли бы мы указати на лица, котрѣ были загорѣлыми противниками автономіи русиновъ даже и под Мадярами, а ще горшыми ворогами конфедераціи русиновъ с чехами, и теперь въедно роздувають ненависть противъ руськихъ народовцевъ с лемками-кацапами.

Къ политичнымъ противникамъ народногo языка можеме причислити и большевицкихъ агитаторовъ, такъ російскихъ якъ и мадярскихъ, ибо цѣлямъ ихъ скорше послужить темнота селянства, якъ христіанско-народна просвѣта.

4. Коло политики не малу роль играе в языковомъ спорѣ и *религійна борѣба*, борѣба за „кривославіе“, борѣба противъ гр.-кат. церкви. Спознаеме многихъ, котрѣ колись в осени 1918. рока ходили до Станиславова заявити, что прилучаються до Украины, котрѣ присягали на синьожовту заставу в Хустѣ, и теперь подписують протоколы, диктованнѣ агитатором-шизматикомъ, о требованіи великоруського литературногo языка. Руська вѣра—говорять—то московска вѣра, и з вѣроу, не розпознаючися в языковыхъ спорахъ, упадають в когти кацаповъ, якъ агитаторовъ единства руського языка.

Не треба намъ долго толковати, что сепаратизмъ москвофиловъ особливо шкодливый е противъ гр.-кат. церкви, котра в Галичинѣ мае вже богату литературу и розвитку духовну жизнь?

5. На конецъ суть и такѣ, слабшѣ вже одиницѣ в кружѣ интеллигенціи, котрѣ из личноѣ ненависти противъ проводировъ народногo напрямую, або из низкого штреберства, глядаючи ласки сего або того стовна москвофильства, переплыли на воды кацапствования.

IX.

Заключенье.

Изъ приведенныхъ доказовъ каждый читатель нашъ могъ убѣдиться о слѣдующихъ фактахъ:

1. вопрос самостоятельности малоруського языка вже давно рѣшила жизнь и филологія, признавъ найавтентнѣйшій фактор, т. е. Акад. Наук в Россіи;

2. борьба против малоруського языка была выкликана лишь посторонними религійними, политичными и экономичными интересами, но николи не была обусловлена наукою;

3. сам малоруській язык и народ ничѣм не причинився к вытвореню сепаратизма и что малоруській язык ничим не противиться славянской солидарности;

4. невозможно примѣнити вел. русску правопись до малоруського языка, но если и сохранится. этимологія, и тогда неотмѣнно нужно дасколько вел. руських правил оставити або приспособити к свойствам малоруського языка;

5. исторія литературы подкарп. руського языка лишь своими aberrациями (блудами) оправдае затѣю сближеня к великорусскому, но сам здоровый, штучно из Россіи не поддержанный розвой языка ишов по дорозѣ народного малоруського языка;

6. полонизмы галицкого, полонизмы и москализмы украинского и мадяризмы подкарп. руського языка не измѣнили народный характер малоруського языка, свободна эволюція котрого повинна стремитися к обчищеню языка од вѣх чужих элементов и форм и выробити чисто малоруській литературный язык.


И понеже, сторонництво ко московщинѣ е у нас

1. анахронизмом
2. шкодить культурной работѣ,
3. шкодить церкви и духовной жизни,
4. шкодить экономичным интересам и
5. спиняе и политичну консолидацію,

для того с силою глубокого убѣжденя кличеме каждого щирого друга правды каждого искренного славянина и русина, чтобы рука в руку став против розбивающого нас и ничѣм не обусловленного москвофилизма.

Борѣмся против полонизмов, против москализмов або мадяризмов, но не борѣмся против самого родного языка, котрый ничим не винен в том, что не мог свободно на своей родной земли розвиватися.

Коли маеме вже своеѣ свободы, коли наша влада не може быти ворогом своего материнского слова, тогда не будьме ворогами ему мы сами, сыны руського народа.



**Выдавецтвам тов. „Просвѣта“ в Ужгородѣ выйшли до
теперь слѣдуючѣ инижни:**

Ч. 1. Что то „Просвѣта“ — Василя Пачовского ...	1 Кч.
Ч. 2. Чортъ на весѣлю — оповѣданя изъ жита Вер- ховинцѣвъ — Лукача Демяна	3 „
Ч. 3. Выборъ изъ поезій — Стефана Рудянского ...	3 „
4—7. Исторія Подкарпатскоѣ Руси — Василя Па- човского	12 „
Ч. 8. Чимъ и якъ гноѣти — М. Творидла	2 „

Оддѣл музичальный:

1. Подкарпатскѣ спѣванки для хору — — першій
десяток — уложив О. Кізима
2. Гры и забавы для дѣтей для ужитку в захо-
ронках и школах — зложив М. Роццаховскій — „

Оддѣл литературно-науковый:

1. О письменном языцѣ Подкарпатских Русинов
А. Волошина

Печатаются:

1. Пошестнѣ хвороты на Подк. Руси и як их сокотитися —
Д-ра Манацкого.
2. Литературнѣ стремлѣня Подк. Русинѣвъ — д-ра В. Бирчака.
3. Исторія Подкарпатскоѣ Руси ч. II, (до найновѣйших ча-
сѣвъ) — В. Пачовского.
4. Як газдують даньскѣ селяне — М. Творидла.

Замовляти можно всѣ тѣ книжки в канцеляріи тов. „Про-
свѣта“ в Ужгородѣ, Капитульна ч. 10 або в книгарни „Уніо“.

Иждою Русин и Русинна повиннѣ быти членами тов. „Просвѣта“,
Подкарпатскоѣ Русм. Членска вкладна 10 кор. рочно.

В кождом селѣ повинна быти читальня тов. „Просвѣта“.

